欽 定 全 唐

貶紀干泉慶王府長史分司東都制	韓琮	壽州護軍大夫梁公創制功績記	劉恭伯	<b>辭澤州節度表</b>	請車偽選京表	創築羅城記	王徽	欽定全唐文卷七百九十三目錄
	<u> </u>							

劉汾	藺相如秦庭返壁賦	日賦	握中有元璧賦	李爲	李羣玉守宏文館校書郎勅	鄭處約	加穆栖梧等柱國制	王鐸	コン・ファー・・・・・
						:			

.

237532	CTERTIFICATION AND	ALCHARACA I	The state of the s	Actoritors (Constitution)	lound in the section	Charles Consons		Marie au ann an Aire an Aire
11.15 Line 1 1 1 1 1 1 1 1 1 1 1 1 1 1 1 1 1 1 1		進詩表	李羣玉	穎亭記	陳寬	花嚴寺杜順和尚行部	杜般	大赦卷記
目錄						部		
	Manager Starten							

為太子少師貶集州刺史沙陀逼京師召拜吏部尚書封 畿安撫制置修奉使進檢校司空御史大夫權京兆尹累 師 **丞廣明元年以户部侍郎同平章事黃果入潼關汙賊偽** 書舍人賜金紫遷户部侍郎學士承肯改兵部轉尚書 钦定全唐文一卷七百九三 微字昭文京兆杜陵人大中十一年登第乾封初累拜中 欽定全唐文卷七百九十三 王徽 功加左僕射光格中領昭義節度使充大明宫留守京 乘間奔河中授兵部尚書京城四面宣慰使以收復京 王微

微 臣前理成都築大城請紀其事上命翰林學士承肯臣王 皇帝改元之六年諸道鹽鐵轉運兼鎮海軍節度等使開 御史大夫復拜太子少師昭宗立授吏部尚書進右僕射 琅 府 大順元年卒贈司空諡曰貞 言設險以居乃有國之雄制用是則光昭振古勢警遠 儀同三司檢校司徒中書門下平章事熊國公高縣奏 珋 授其功狀臣微承詔再拜上言夫外户不閉雖前聖之 郡 侯襄王煴僭號迫作誓牒徵托手疾不署煴平授 創 築羅城 記

次定全害文 卷七百九七三 雖 山南控烏許疆理澒洞舊貫因循日居月諸始逾千祀漢 出字內先是蜀城既卑且監象龜行之屈縮據武擔之形 夷不有高靖曷稱巨屏我之與區學惟升絡繁阜昌熾標 問被於四夷惟是西南載雅似擾深軫子衷將若之何丞 功 式耀雄武自二紀以降邊郡戒嚴有虧懷柔或阻琛賣 **負山川之險且乏金湯之固上額相臣曰朕以不德** 指爾留心乘機制禦斯益天藏盛烈神貯嘉謨俾集元 里開錯雜邑屋關委慢藏誨盗城而弗羅別乎西東江 以還英豪迭處至若公孫述之樂點諸葛亮之經營會 王徽

闢 浦之師周逐獫狁漢備匈奴是知猾亂自古皆有其所 霍氣蓋關張忠孝兩全河山繼誓車修厥德自成名家 部兵復梓州統大軍平玉壘大節大忠煥乎典冊駢能 流毒於益人臣之罪也然黃帝有版泉之役放動與丹 怪其業益大其門旣席勳烈之資克善匡扶之志材 以蜀叛憲祖殷憂擇其所以代之者由是允膺聖與能 軍節度使駢即威武公崇文之孫也威武在元和中 属梗致時难乃在進任忠賢馳驅英傷耳臣伏見今天 進日陛下以寄哲照臨臣輔理不能敷聖澤以懷異俗

援 壇 也 勁中權五年於兹海波不動朝廷方期拔用不可久留爰 學俄而交趾淪陷有命過征旣復土疆逐錫鉄鉞則 一建高牙必致師貞可期俗阜上曰俞爾惟代天其行 譽石麟綽有美稱其守天水邊塵不驚戎律旣申將 復開將幕士絕朝飢犬無夜驚威加鄰部化敷蜀城 徵還彌增龍澤時屬雕勛始潰節方未寧駢則再登 鲖 旣 以之疇庸和門為之增氣恭以憲宗錄崇文定蜀之 柱楊僕樓船步驟之間莫得倫比固以威張惠次後 如彼陛下念縣復交理耶之勤也又如此俾榮舊 . k 三文 馬 帥 相

樹置 曷能致遠不固其内安能保外未有不謀而能成不壯 茂柯葉今城之於蜀其由心乎其由本乎則知不理於近 歌定全唐文 卷七百九七三 於時曷若駢能度其宜樂用其士 峨之下忻忻子來音梁伯亟城人疲弗處子囊築郢見前 心腑然後可以堅四支植木者必當澤乎本根然後可 威不勞而能逸者也於是擇地量材拓開新址分命 是詔駢復以丞相擁節去汶陽趨錦里至則詢問疾苦 以令屬邑乘時就役靡不適中史不敢欺人不敢怠眠 紀綱巡按封域周覽郛郭且曰夫療疾者必在藥乎 圖難於易去危即安

間極 山時南北東西凡二十五里推門却敵之制復八里 大城用冠諸夏其功固以相萬矣惟蜀之地厥土黑 謂大為之防俾人有泰山之安矣而發碧塗壁既麗 果得眾心克成大績鳩工揆日不倦於素十旬之中 下蓋二丈有六尺其廣又如是其上表丈焉即四尺 又燒埆版築靡就前人之不為非不為也蓋不能也 磁飾 祁 相櫛 栖息為鬼炫娛虹蜺龍然而紫霞然而横望 比閩閣鳞次綺疏掛斗為及凌霄若飛若 顏又奚以異其上建樓櫓廊無几五千六 惟

者莫不神駭而氣聲目貽而魂驚其始也咸謂冥助 地 、患者也其舊城周而復始蓋八里高厚之制大小之 定全唐文、卷七百九十三 冰馬中始鑿二江以導舟楫決渠以張 以成濠則方城為城漢水為池又何以加焉是 害沃野千里號為陸海由冰之功也漢文翁置學 不復於其能擊析者足以抗其敵所謂能禦大首 呈强弱之方可見自秦惠王疏翦山林以通中 外則練以長堤凡二十六里或引江以為塹或 可得而辨矣况乎扼束都會襟帶地形險易 四 知 夏及

擒大怒而新其人玉石不得俱焚焉西蜀至今稱之駢 矣惟蜀之人自冰與翁自威武暨駢乃獲佑於天者四天 不云乎人保於城城保於德觀駢之政可謂保城與人 人受業行祖豆獻酬之禮於是儒雅之風作泊威武伐 偉績者乎况夫高不可踰堅不可觸俯瞰天表方駕 於蜀厚矣長雲斷岸莫得而原古往今來何當能觀 鎮肇與武備做有禦衝之事夫然後不為外羌之所窺 非挺生俊傑來獨聖神 銷吞浸沙亘壓咽喉訖使豺狼耳之而色沮目之而 則熟能建絕代之遺功創一

息 器守冲邀禄利不盈於私室風宵無息於公家段順在邊 欽定全唐文 卷七百九三 筆力遒勁屢獻平戎之策每陳憂國之誠抑又城府坦平 渚 之焚溺期月之内岡不樂康若乃考其才稽其用所至難 用底寧弓矢專征銅鹽劇任安危攸繁一以委之往哉荆 燕國公旌殊休也重以崔将充斥荆楚傷夷遂加威望兹 所施利與智無不周技無不達韜鈴捭闔固自生知詩 荆渚既清又徙金陵金陵以平故郡郢之剽残拯江 是謂不爭而勝不戰而服者也新城成詔加大司徒封 幾微雅當師道雖羽書疊至應用如神加以詞鋒莫前

惟 臣 Control of the second 德 城 之形容. 臣誠 由駢而成 如何功嗚呼天贊其謀地襲其固 何以稱 際矣所謂社稷柱石 詞愈拙 推抱岷梁斗絕諸 不 能就其事故曰為 叙勳賢之丕烈 此將 駢由 染翰 君 欲 ... 增断 而聲 顧 刊諸貞石寡彼 囊裝煙好不 恭以操 夏梨為 銘 王数 城 川嶽英靈者也 可為 既年矣人既休矣宜乎 曰 於 觚 方啓達上國肇自 坤維 載事作者為難 非吾君不能 可得 可為之時 則 垂於無館 而臻波瀾 夘 駢 則 勳 如 其 何

多年全唐文 卷七百九七三 人未安待城以數蜀士方危待城而威阡陌 怒爱擇盡臣推報以付時 滇靡設鍵關在古侵殘為蜀之數唐被聖德間仍克 劚 在逾紀吞噬無已支獨楚驅恥不寧居皇帝践祚驚 强 觀於封 接輕漢人既遇言語乃通則邈干祀遂恭華風界 其東經始新城心術潛形乃告編人版築云與相 北者五丁導彼青冥鑿巖而梯飛模以行動猶· 一 华風雲內扁雞武卉木蔥情麗 講輝映戎馬夜寧 部謂玄郡 邑量其户賦劃界指 惟燕公撫俗訓戎碩畫宏 期莫敢瑜 繩直 鳥 Pg 間 規 憲 逝

|燕公之功式利於人德入人深功流不極勒名天隅為臣 昨 表 |戈 與畫靜蜀山 敷數蜀江滔滔寇不敢窥人不知勞險而 緩見提書便離岐下德宗雖當盛暑不駐漢中故事具存 議 氣龍盤鬱祥煙而不散足表宗挑降祉臨御非過今雖初 者狂寇將逃延災方甚而端門鳳崎鎮福地而獨存 修崇未全壯麗式示卑官之儉更凝馭道之尊且肅宗 則中和四年記 煩峻而不譁去來出入嬉嬉 請車駕還京表 , ij ı 三发 一家熊公之德其誰與鄰

一欽定全唐文 卷七百九十三 從之樂一日台司未展匡扶之志敢总急病用副憂勤 宜 臣 効終員殊私勢有必然理宜過慮以兹淹駐轉失機宜實 間量才授任本切於安人奉上推忠莫先於體國臣早 昌運備歷華資止仗竭誠幸無躁迹六年內值雖叨待 制置竭力無級如或蠻駕未迴必恐人心復散縱成微 期 水挂宸聰函還清蹕 深念拜章屢陳審時事之安危繁廟謀之得失臣雖隨 難緩願迴鑾輅早復京師臣謬以散材切膺重寄閉 辭 澤州節度表

熾於旣焚計奈何於已失須觀勝負乃決安危欲遵命而 轉成積豐招其外則路人胥怒撫其內則那將盆疑禍 博求廷議擇其可付理在從長免微臣負懷龍之譏使 東款但以鄭昌圖主留累月將結深根孟方立專據 重鎮兵符元戎相印特膺龍寄出自宸東豈合憚勞更陳 黨破必爭之勢觸藩知難庶無愧於前言報國圖功豈 勇行則寢與百處思奉身而先退則事體兩全伏乞聖兹 次定全每大一次日旬七日 伸於此日 劉恭伯 王徴 劉恭伯

居者若吾之無其室家也顧力無以恤將何以字之不必 其力乃曰士卒之有貧者若吾之不足於身也有不安其 稼稀俗薄而人囂非通於吏理者曷能保和之今常待軍 域上下骨悦人其泰寧公之致政也如是我之撫戎思有 恭伯大中時人 公政成而理平俗泰而人安消災诊為和氣變凶荒於壽 金グとよう 大中戊辰歲帝命侍臣梁公承又護軍戎於壽陽郡其至 日乃言曰兹地之廣控淮肥之川壓荆楚之要兵多而 壽州護軍大夫梁公創制功績記

身乃著成績士卒之富者樂其業貧者安其居歌話諠 堪 厥 其有無節費就省減私儲而足食添月俸而酬工率已 令美充塞公日軍旅之士旣安且寧吾之署曹宜革其舊 功忖度日深乃得其畫曰廢寺之材年久而屬用無 於山價必殿鳩傭於外賞必厚就使以悦人忌其勞量 恢其垣墉高其開閱崇廊四注以迴合層構中開而 衝歲收其利以助用抵拾其餘貨以創軍營二所度 將析而為新以貨之於是得錢六十萬置樓即於 J. 12 . 1 . 1 . 1 . 1 . 1 . 1 下而成已之私害於人而就已之欲雖有經度何 劉恭伯 儉 旗

其為景象也因公而成以為廢與在人而不在時在於營 導 之亭斬伐而奇勢出及夷而佳景見南軒翼舒飛胜雲祭 人不徇已以使下郡邑不擾而厥功成其大將官僚纍 出我心匠以其介直聞於時 人日遊其下輪跡荐至不絕於路是知兹地自然而 流泉於砌下植嘉木於庭中遇峰疊嶂屏列在目郡 中闢豁若天造完葺旣備周視其間曰水 定全唐文 卷七百九十三 何以遲嘉賓而申揖讓之禮是乃擇勝疑之地立 隘陋為輝煥化卑庫為宏敞浹旬之間 創制也 勤而功不宣威 創 程無送迎 制斯成 遊 生 揭 觀

陳乞 俄 欠三三日一大大二年七十二 命而書大中五年正月二十四日記 肅整天禁而今而後必見大用之有期矣恭伯幸以筆札 親事者增樂聞風者盆勸公之才識敏達恪勤公忠猶 而請曰公之撫戎也三年而人無犯於今朝闕有期再 於常侍公之門日熟政能觀其成績顧惟不敏敢不承 藩未展龍略付之我旅可以夷靜邊塵委以中樞可以 而天書下降張贊其功詔曰委以腹心是資信實有勞 保留周歲以副奉心常侍公乃拜章上聞九叶誠 即想新恩宜加内府局令歡聲溢衢遠近成慶遂 割恭伯 韓琮 請

中書舍人禮部侍郎咸通十二年由禮部尚書進同中書 鐸字昭範宰相播從子會昌初擢進士第累遷右補闕歷 琮大中時官中書舍人 金万百月了一人名ノアノニ 交通能遇溝壑無厭蹟固異於澹臺道殊乖於吳隱 鍾陵問俗澄清之化靡聞南海撫封貪黷之聲何甚而又 韓琮 王鐸 卜平章事乾符六年以行營都統督諸將討羣盜兵潰 貶紀干泉慶王府長史分司東都 制

敕 シュンスのまでとれることにはいい 貶太子賓客分司東都召拜太子太師從幸入蜀拜司 雷 兵討羣盗為田令孜所構罷為義成軍節度使四年從義 各有勞效許其叙錄行慶策勳於是乎在可依前件 鄭處約 過魏為樂彦禎子從訓所封遂遇害 朝散大夫尚書水部郎中穆栖梧等浜汗鴻思必乘其 而須宣爵賞用振其簪纓以爾等列我聖朝累霑霈 下侍郎平章事中和二年以義成軍節度使復統行管 加 移栖梧等柱國制 王鐸 鄭處約 澤

金 友 全原文 发光正大士 為大中時進士 詩用示繁維命之刊校可守宏文館校書郎 於 彩盆奇信不試而逾精能久處而獨樂念其求志可以言 李羣玉放懷邱壑吟詠性情孤雲無心浮磬有韻吐妍詞 處約大中朝官司勛員外郎知制許 李為 麗 則動清律於風騷冥鴻不歸羽翰自逸霧豹遠跡 李羣玉守宏文館校書郎勅 握中有元璧賦 李馬 代之 珍 耀

之容豈曰真子於暗元中之理尚乎知我者希故其性 德 之後任欲蓋而 内 獨 元之後不暫去身驗守黑而居則先指掌不然何以久 不磷敝而惟新 為至實握以藏輝與似月之色異俾如虹之氣微敛 融 青映纖纖而有象或微疑其手澤竟空勞於 尚韞 跡同反照拱形若將予尺素點影似因乎墨妙見心 孤方期發色於斯 如 漆 雖未 彌 或若横肱未抵已怪得烏懿夫藏點 彰窺指之間縱有光而不 能 如雪亦足以賤珉既剖乎石幸依 矣豈務掩瑕而已乎初疑捧 <u>}</u> 耀退雖於 目想 同 點 而 錫 匣

明則誠矣固望荆山之目默而識之斯蓋見美一時同珍取者猶疑尚能執而無失豈得棄之如遺深潛越石之拳 欽定全唐文《卷七百九七 袖 雖 P 也為連城之珍園而琢之而能全璞溫而執之何以不 代諒闕兮懷寶多斯兮若昧幽矣握中之壁實清流而 愛 化為纖維存已之雕鏤實賴君以保持言揚者或是色 默默而沉潜每些幾乎把握始同乎懷而被褐恐久而 人似守中而隱影若居外以藩身攬之為盈手之玩 日 賦

横漸高 爲子象也在人為主在天為日其高明一也日之初將 您今陛下又親設弟禮天下與爛上曰朕不足以配日然 國 兮東方霍爌烘煌地外洩光陰雲含明閃閃熒熒火炬縱 經在乎上 統七紀周旋天地國家災祥之至也惟唐文明日德不 聞天高無程日為大明天為至陽日為陽精則日 春上日率公卿大夫朝日於東郊祇祀畢太史進日 日台島と一気にする上三 翻上浮焦煙創業之象也日之中聚酸成珠攢剱成 如懸或若輓上於天而傍倚諸山海水血色龍魚 一爾即司之於日有見可使朕聞之乎太史 李為 111 於

青天而白白雲而赤施施奕奕曾不得定目太虚為之見 金万石たろうえてアンコ 六合焚炙風不能為氣天地變色不勝其猛乍揺紫影所 殿堂續壁連光溫酸生旁仁恩之象也夏之日烘形全勃 霍樂晴空赫為大笑滿天地喜江風晴起錦文出水米錯 也其於小則草芥游蟲户綱隙塵各示其容其爲大則東 斕 惑萬物依乎地無不自識太平之象也春之日 蔥龍通雅 照之穴化為火井草木如燒而未乾焦泉池如炊若將 炎威逼人疑欲附地或透入室壁潜蒸軍席威怒之 班花樹之 間新蕊粉融萬燈無煙一拂雕梁嬌霞溢

中視之將假乎太平之地又何求焉臣又聞之聖人為君 思創業之難暮視之感淪革之易春夏視之調喜怒之節 霞染雲飯酸半天與陰夕靄首蔚建對餘光無米暫明乎 次定全害文 卷七百七二 言午比及看已欲是是故聖人寸陰而惜願陛下朝視之 悲乎夫日之不永也甚矣人之言卯比及看已可食人之 千里之外烏鵲尚鳴新月已生長夜自清令昔頓成良可 渾黃黃漸無精光黯點殷顏不留山巔即墜乎窮泉丹 也樂乎而低澹乎而頹忽乎變容亦盖下空埃塵蒙龍 引千萬里不見其近出西而引千萬里不見其遠及將 李為

匪 乎於四鄰相如於是詠東山之詩考西郊之役中車脂轄 有 能 不没畫而為夜可不務乎故天有日不能自靈日有光不 ヨハバノコノラニフニ 敵蹈虎尾而若閒遇鯨口而無惕期一言以復命得 朝 和氏兮曠代之珍有蘭生兮非常之人全重寶以藩趙 輕生以抗秦既獲我心信卓哉於千古不辱君命能使 祥屢臻五色盟盟天地同文昏弱之代吞蝕不暇列宿 自明待聖人而明之也 伊夕徘徊恨望沉吟感激誓殺身而報主欲張膽 藺 相如秦庭返壁賦以 韻題 T 而

雲龍之庭秦君方臨丹陛按青萍耀國華振朝經建學 先告令使者後進將恃威以逞暴欲愛寶而損信曷英 底寧望紫氣之函谷出黄沙之井陘旣臻天府之地遂造 勍 過 而致壁首大信之或虧豈微躬之是惜授使過征不遑 秦爲相如之慕蘭連城東諸良玉歸數且告秦言已 旗則天收光景伐靈量之鼓若地出雷霆然後命謁者 何大國之無良為匹夫之取俊不然者何以遭買傅之 敵之見欺將殺身而不怯西鄰之言是責南山之節斯 知機弗詭詞以恭 三年十一 长上了七十三 順溫如之質既美疑然之姿乃振 李禹 劉汾 E

汾自大中巴卯登科以來官至兵部員外郎咸通三年遷 復為趙寶馬如潔誠求之何晚被褐懷之已遠生多之質 軍 本部侍郎出關河南招討使乾符二年黃巢起兵應王仙 右僕射鎮守饒信二州文德二年進開一 空存白虹之氣不返 金グと人ご 汾大中十三年進士屢擢兵部侍郎以討黃巢功轉信州 押衙都團練討擊使檢校國子祭酒兼御史大夫尚書 劉 汾 大赦卷記 南節度使

賊遂 荆 會元裕斬王仙芝於黃梅集方攻亳州汾帥衆直抵城 轉掠饒信池宣歙杭等十五州廣明元年十一 南 巢遣其將尚讓王播帥衆五萬寇鳳翔汾與都綂鄭畋 師車駕幸蜀中和元年三月汾轉京城四面行營招 至伏發大破其眾斬俘一十七萬果與尚讓收餘衆渡 寇 門會父劉巨容曹全退亦合軍待焉俱以兵伏林中 四年巢寇河南汾屢戰斬其前鋒諸將賊遂敗匈五 福建汾勒追之果又自嶺南趨襄陽汾出師 引退會尚讓帥 /**BB** 仙芝餘衆歸果號衝天大將 リイ 月巢陷 間 軍 計 行 唐 賊 使 江 巡

欽 青光禄大夫檢校國子祭酒兼御史大夫上柱國尚書右 降分與李師悅率尚讓追勒餘衆至虎狼谷巢甥林 簡徭役寬賦稅民賴以全活者甚衆四年六月集圍 射時饒信經巢兵火餘民不聊生汾一 英等勒兵待之大破其衆於龍尾陂斬首二萬級伏 定全唐文 卷七百九七三 巢兄弟妻子首獻以降由是巢禍旣減汾再戰再克 汾會李克用至遂去趨汴克用追及中年大破之讓率 百里中和二年八月汾轉信州軍押衙團練討擊使 失蒙詔鎮守饒信二州連年不得 回朝汾遂寓居廣 意撫恤親加

鄉 計 則 合 () (i) Line ( ) Walnes I we 荒者多召人勤力其中**儘** 路弋陽縣歸仁鄉四十六都新败里風夕感激視干 水馬界北至豐樂鄉紅鶴山盤積分水為界四至分明 居崇山峻嶺之間人境寥絕東至弋陽高界培分水 思鬭居村落則思明光啓二年個得荒間山田 以不能分起微陋致身榮顯添有九妻日鄭氏贈信 頭塢尾上雖下均與外並無一毫之間其田地成者 西至豐樂風門贅洪鶴山嘴為界南至歸桂鄉東源坑 百餘畝名日南山坐落饒州路樂平縣歸桂豐樂 夫可受屢次召佃耕種 劉汾 俱各 段約

多 定全唐文 卷七百九十三 郭 口平此豈非荷祖德哉又且連年奉詔征討百戰百克未 日 夫人曰鮑氏曰宋氏曰王氏曰馬氏亦贈夫人曰張氏曰 元年分謹將前山田地施拾創立禪寺一所名日南山寺 從日 持勤於開耕守奉祖宗春秋二祭及禮三寶慈尊兼得 氏日李氏日武氏俱有淑行生子十有四人日興日昇 生盆死景福元年佛殿觀音堂坐禪亭并東西廊房俱 屬郡 歸故土於祖宗之德並無寸報久違春秋二祭文德 明日宗日瑞日廣日匡日勝日吞日英日寧日彬 都陽北隅妙果寺禪僧至明至公等五人入寺

次定全事之一、民上了七二 克完馬已經奏達朝廷念汾忠孝詔曰汾戰陣能勇思 賈等情其山已有四大界至諸人 右散騎常侍右千牛衛上將軍兼御史大夫上柱國右 射 勿墜吾志一以給付僧人收管山田凡諸僧人在寺住 華二年汾又進 · 南節度使銀青光禄大夫檢校尚 要各守本分不許貪花好酒妄將田地移近換段及 由施山創寺事實錄作二本一以垂之家譜以做後 敬其山寺稅糧俱沐優免故寺曰南山七部寺巷曰大 汾念累荷朝廷詔赦蒙恩不淺於是將本身居官政事 劉汾 杜殷 不許侵占第僧衆務 僕

殷大中時鄉貢進士官同官令 許二三人到寺拜謁祖先即返不許動騷常住自兹之後 僧衆不從吾言者即便斥退吾之後人不從吾言者定准 禪亭及東西廊房四時俱檢看漏爛即行修禮不可怠慢 常守清淨奉禮三寶其常用食物銅鐵器皿俱各完全不 不孝論故書是說以爲站基之本云 亦且吾家子弟不許常行到寺需索酒食遇春秋二祭止 可 タンドノニータコーフニ 杜 遺漏如有此等僧衆即便賠還所建三實殿觀音堂坐 殷

疎 志之奚有了了雪山我佛當其諭道 表表白馬金字闡 開 簪 於巨唐粤以有京北人者堯之苗衛生雲國南門外村 盛降兹吾師師始龆龀界 組繼选 垂範忍辱為戒空寂為體求而非真智而可識不遠 字關 花嚴寺杜順和尚行記 人無間大小奔而趨而虔心諦聽 基而以敷足疑然旋吐大乘之法尉三瞻善男 字一的躬聲香內外速三千餘祀俄扇零西方 舞之总親愛而自從復次立機運巧指事成績 上足 邁 人表未登十歲級集 演而伸泉闖 字

欽定全唐文 卷七百九十三 來婦人有一子求之與一 宿根深債歷縣側因睹畋獵化與 級馬果有各階笞刑師受笞馬買薪爨火汲水燃之果盤 卓爾哉出羣隱而靡究慈惠霑濡一帥之卒果百結師補 洞然些有祥瑞連紫龍陽二 允斯所命被甲鎧汪汪執戈慷慨逼至魚麗勝而多提 日倍吾之日臨流未濟杖之功登領有去虎之妙哉員 師之躬焉渠役烽火遊外師之當焉昔魏禪師師主也 冠師之兄有軍旅之愚欲赴跪而啓父今母兮厥而 斜球擲於急流中而復見乃是 力在在其異不一實可繁詞 公字嗣 龍盛與屠

寬大中時官陽翟令 趣真心師之聖實非翰墨之所能飭 心殷師之裔孫也已履儒迹心達彼岸每耽儒典之暇 順承家穆穆文武潤身在世有濟拔之惠效主懷歲寒之 靈境欲覺疑菩薩給五銖道糧乃失師事今有秦人王元 欠足を動と、松上了七十二 額水濱有地可以覽山川之秀者九山祠在焉西北飲 豪士交會因屬承屬而息心歸依師之門人動意尋五 陳寬 潁亭記 杜般 陳寬

頳 草 此 退 里之鶴也子曰可樹亭哉遂召匠氏授以程度匠氏曰諾 中 樹濃淡覆露各盡其態平視之令人意遠超超然若 雖獲戾於人而不避者吾將識其來乎及成會邑中 陽達許昌皆漢郡 得進蹭蹬卻倚三十六嚼若立指焉而近北左手烟 而有言曰假吾令不德主未聞惠人未蒙仁止其幾 升之見潁 以床覽為懷乎予聞之甚羞而以為不聞也夫陽翟 面使人毛碟又見太室與大應等列領霉拳而來碎吃 水直北劈地而來喜如隙光端 襭 川屬是乃吾土也予不肖假長於 如匣剱視 自 而

懲之當敏樹政無敏樹亭以釣匠氏之意也 首爭請名之類亭遂名之若使解攜手值良辰嘉賓二三 草澤臣奉玉言臣宗緒凋淪邱山賤品幽沉江湖分托漁 稅 羣玉字文山澧州人以裴休荐徵拜校書郎 たらしははつとうべまいにかで上い 李羣玉 伏遇皇帝陛下運屬昇平率土散泰沐雨露亭育之化 酒級進既揖既抗對之盆酣因書石以介其壁俾覽者 以落之中宴客有舉爵而稱曰吾斯山河之秀可與見 進詩表 陳寬 李翠玉 Ē

順 在薰風長養之間顧同率舞之誠遠逐越裳之貢頃以鼓 瞑目黃寒虚謝文明是以徒步負琴遠至輦下謹捧所 趴不或疴恙暴侵但慮寒飢江湖之濱與枯魚涸蜂為 腹勘華之代怡情林阜之限涵咏皇風殆总仕進以至 門味死上進伏以卿雲在天草木五色廣野之氣燭為 客詩人歌咏聲名文物不暇 提 行古體今體七言今體五言四通等合三百首謹詣 グイノニージニシニ 烟熙熙含生盡躋壽域向日亭午物無針陰而方今 衛無尹咸又言語侍從之列皆嚴徐班馬之倫 何議 諷刺與於筆端臣

飲定全害文人长七百九十三 謹 豊 燕 作幽泉之鐵巴濮下調塵觸天聰螻蟻之微伏待刑戮門潢行之陋然則點桐不爆俄成曲突之煙埋劒無光類之餘過於喬野天津不到徒窺星漢之高滄海攸歸 恐頓首死罪謹言 拜表陳獻以聞無任焚灼隕越屏營之至臣奉玉誠 歌詩以居住沅湘宗師 李至王 屈宋楓 江關浦蕩思摇 圭 惶

	與高錫望書	與李諫議行方書	復佛寺奏	迎春奏	山蜀城	野臺遊基賦分序	大別宮賦	孫熊	欽定全唐文卷七百九十四月錄
•									

<b>萨陳生舉進士</b>	序西南夷	與友人論文書	與賈希逸書	敏 定 全 唐 文 卷 七 百 九 十 四 一 一 一 一 一 一 一 一 一 一 一 一 一 一 一 一 一 一
---------------	------	--------	-------	---

龍多山記 華閣甲銘 章閣甲銘 東京 京京公第3年年

歸魂動中宵而寢寢彼大明官神前有云且日太宗皇帝 帝宅帝部吾司其官與日月終翼聖護艱十有六君湯妖 樵字可之韓昌黎門人大中中進士 欽定全唐文卷七百九十四 斬氣孰知吾勒吾當廬陵錫武廟柘散主吾則協二毗輔 繚瀛敢居原穹起廬園然而劃隆然而赫敦寄熟隟永求 孫樵齒貢士名旅見大明宮前庭仰貽俯駭陰意靈怪暮 孫樵 大明宫賦 系典

嘉賞失節怒罰失殺奪農而徭厚征而彫吾則反耀而彗 穀視土吾見若奸聲在堂設舌在旁室聰佛諷正斥邪寵 其異俾不得逃明殛三革触黑孰匪吾力吾見若正聲在 微撒腥當旅吞與吾則入濱華濁入園肉角旬澤暮溥 懸諍舌在軒報難延諫刳襟沃善賞必正名怒必正刑當 薊泉妖狂突集五堂縱啄怒吞大駕驚奔吾則勵陰刀翦 北挈吾則激髯孽悖節俾濟逆殺異兩條憤烈俾即斮滅 欽定全唐文 卷七百九四 胡制飽脂路肌能骨幣血濺關仰以自日二聖各轍大產 左右提護義甲慣徒起帝仆周吾則械二點鄉俾即其誅

壘城粒言未及関熊迎斬其舌且曰余聞字獲其哲得是 高籍甲其虚有壘而墟西垣何縮疋馬不牧北垣何處孤 赫烈老點跡結兩曾何伐宰獲其憲得是昏蝕點怪橫惑 棋誰欺乎欺古乎欺今乎吁 亦日月今亦日月往熟為設今熟為缺籍民其彫有野而 何用天下兵神曾何知熟愧往時神不能對退而笑日孫 别帝城關關何賴窮邊裕康加封何賴波農禁甲飽**行** 爾曾何力今者日白風清忠簡盈庭園南俟霈圖北侯霽 くこと とこれ これにいるこしょう 澤而冷蕩坤而折裂乾而石然吾酉帝宫中二百年昔 孫樵

恭默民無怨慝天下大同帝駕而東經營相視茲山之址 經費乃下的日朕以凉德君於萬國唯日兢兢如蹈春冰 環堂徘徊山下問於牧者對曰惟昔漢文爲天下君守以 乃因其崇以與土功兹臺之基軫於帝思旣命其更校之 聽橫秦原東走盤連其土如積其高逾尺隱於修岡此若 武皇郊天明年作望仙臺於城之南農事方殷而與土工 多次在库文、老七百九十四 且有糜於縣官也樵東過驪山得露臺遺基遂作賦以諷 露臺遺基賦并京

司亟令罷之此遺基之所以存者乎容歌而去之且曰彼 昇以致休後此臺以平周德惟繁章華雖高楚民亦勞靈 而世無比兮吾敦知其是非 通天兮鞅埃塩之巍巍此靈臺兮蔽秋草之離離已而已 與鳩材集工以害三農斯豈文王靈臺之不日哉宣部有 王宣騙諸侯不朝民旣攜貳王遂以死豈朕不懲斯役實 祖惠宗肇啟我邦塘作此宫室庶幾無逸逮夫朕躬孰 隆矧糜府財以經此臺周為靈臺成乎子來文王以 とこま ころしているこう 出蜀賦 孫樵

若虎踞而欲噬泉鳳沸而中冽靈窓舜乎像設眄山川 危步之促促慄若跳而蹈棘朝天雙峙以虧蔽中條慄而 陰翳倏下馳而上迴若出地而天開龍堂呀呀而上敢怪 城屬兮此舒鬱于雲昏嵌出出而查牙兮上攢羅布而戛 天中呀拆以除斜兮途詰屈而監穿以去以來奔蹄疾足 辛酉之直年兮引敗軍而言旋濟潼梓之重江出大劒之 而急來水涵空而混碧途迫高而緣深不尺直而又曲跬 兮鼠出入乎穴間蹇余馬之不息屆峽山之偏側劃崇巒 多员在屋文一港七百九十四 複關駁天險之重阻兮時連岡而外坤調石能崖汨汨其

品泉之灣灣鏘環珮於閨闥躡危石而後通忽泱漭而無 越百年而南指憩石門之委選六陰崖而戸開此巍巍 皚皚外攢怪石之參差兮勢業截而山排狀若鬱雲之始 窮包溪懷壑而爲深兮綠巒岡而四崇雜群暴思於苗穴 騰又似乎潮波之却頹中容察以寒豁敞曠朗而洞達推 師而北去抗霸國而此決會尺疆之不關徒齊志而灰滅 以久畱兮車軋軋而又東陟雞慣之險墟下七折之峻阪 兮雲木森其青蔥鬱桂椒與木蘭兮芬海郁而駭風不可 懷古得籌筆於途說指前举之孤秀傳即龍之餘烈嘗杖 シューション 一人 一人 三十二十月 孫樵 7

得隱此之類隅獨五陵之尚完兀高平而草蕪抵長都之 漫路紫積以迷沒馬蕭蕭而不進心悸悸而程不敢逸兮 岌岌排間闔而西入何天衛之廣闢仰白日之赫赫敦 續畏途而呀斷下臨千仞之驚流兮波預洞而雷扑當元 褒斜紆其隘束兮左窮溪兮右重獻綿飛棧而屬危梁兮 多定在唐文卷七百九十四 冬之隆烈觸密雲之飛噴舞迴戶而揚九垠天地紛其漫 僚慄而與歎出大散之與區若脫足於囚拘涉汧渭之 里而趨成陽兮索赢劉之舊墟承明冀閼緬以夷漫兮 法您收雍之通途田原鬱以澶漫兮彌千里而爲都背 匹

士兮皆云亟夫賢索不自分其能否兮歌朱門之投蹟蔑 轉而自非胡不知進之與道謀分徒盛氣而慣時不知求 弓而滿鉛鏃兮即澤宫而睨的夫何疏貢之缺條兮忽有 唯唯之面朋而焚逐逐之躁機飯不飽謀凍不燠謀兮環 司之吾斤曾不得而上達兮居悒悒而不適關庭詢其多 欠足上与文 大三百九十日 已以爲慮兮而患人之不知九衢廣其茫茫兮混埃墙而 紅飛漂世波而上下今旁窮走而相追不亦勞乎於是謝 疑忽徊徊以惶惶蹇東西而獨悲因黙默以心計兮思展 人之我先若棒水而投石念初心之來斯豈窮愁而徒 孫樵 艺

夏之日陛下農事無所奪山麓無所伐則草木壯苗國無 東賤臣樵寓疏太常上奏曰天有四時陛下實行之是天 之日陛下廪以時出帛以時邱則葉芽弩拔勾萌畢達矣 黑帝歷窮帝命青帝嗣其公皇帝備姓牢鼓鐘迎餐于郊 章之林圃兮與百氏而驅馳不穀吾不恥穀亦吾不解彼 乘陛下政令明昏而爲燠寒也青帝何功而餐乎寬空春 主張爲公者豈終吾遺哉 **晦墙而闔扉邀仁義與之爲友乎追五經而爲師徜徉文** 迎春奏

萬物固結矣冬之日陛下地氣不掘洩室屋不徹發則豐 夭礼矣秋之日陛下獄無曲決畋無圍殺則霜露不失節 繁霜斗北無伏陰火西無滯霖淫昏之世反膏而波反冰 運行政令出乎淫昏則災祥屢臻其可忽乎臣又聞陛 與人為春得華慘作和起耕生華喜滿其家沃穆歡咳如 而花雹傷螟噛旱亦雨血是陛下政令出乎修明則寒暑 景時開樹色煙光覺葱龍芳蒼陛下與人為秋得愁 眼風日冷白慄慄蕭索覺庭槐枯落陛下與人為夏得 不敢擊越百蟄塞穴矣聖人之時日南無驕陽啟蟄無

男力而耕女力而織雖乘樂歲其衣食僅自給也棟宇僅 殿臣樵上言臣以為殘蠹於民者羣髡最大且十口之家 平其心雖澤不周惠不均天下無恨言不然天將視陛下 心而與寒也 腋皆熱中國病凍者眾也豈陛下用心有頗馬陛下 的能 **欽定全唐文─卷七百九十四** 白無蹄轍跡顧陛下左右皆春天下病悴者眾也陛下肘 變絲成補噓燼作爐駒驅轍結雜還噎楔門如三伏熟陛 下與人為冬得舉皆不見日凍薄人骨間間感感燈青火 復佛寺奏

宜勉思而去之以甦疲氓況將與於已廢乎請以開元之 十七萬髡如故矣臣以爲武皇帝即不能除羣見陛下尚 萬田於羣髡矣武皇帝一旦髮天下羣髡悉歸平民是時 下羣見者八十七萬夫以十家給一見是編戶一百七十 則肥馬是則中戶不十不足以活一是武皇帝元年籍天 寺以復奉見自元年正月泊今年五月斤斧之聲不絕天 一百七十萬家之心咸知生地陛下自即位以來詔替麼 自完也若羣髡者所飽必稻粱所衣必錦穀居則遼宇出 下而工未以記開陛下即復之不休臣恐數年之間天下

戸不五百萬不足以給之故陛下之民力不足也今陛下 事言之開元之間大駕還自東封從以干官之眾六軍之 以力不足之民而欲重固於羣髡將何以踵開元太平上 衣食於平民歲度其費率中戶五僅能活一兵如此則編 奪於兵故開元之民力有餘也今天下常兵不下百萬皆 事三日語於陳語民猶有餘力今陛下即能東封道次給 欽定全唐文《卷七百九十四 核秋冬聚之將以戒武事如此則兵未始廢於農農未當 足耶開元之間率戸出兵籍而爲伍春夏縱之家以力耕 一食則民力舜矣何開元之民力有餘而陛下之民力不

國民之役平寧諫議大夫不以言而陛下不以聽耶陛下 帛以優之今所復寺宇豈特國門之急乎叢徒滿工豈特 財矣即今戸口不下於開元其餘止二百萬而國家萬故 議大夫入爭於前一言未及終陛下非徒輟其工而又賜 算矣天下之民得不重因乎日者陛下當欲管國東門諫 畢出其間陛下孰與其足也則是鹽鐵不可除而推完加 問於戸部其能如開元乎借如陛下以五百萬給天下之 耶貞觀以還開元戸口最為殷繁不能逾九百萬即今有 兵令又欲以一百七十萬給於羣髡是六百七十萬無美 派其

歌定全唐文 卷七百九十四 者皆得開口奮舌爭於上前故自貞觀以還開元之政最 **真異日爲陛下言之況去無用之影耶臣樵昧死以言** 佛其言而怠於諫即繼以死非其職耶執事居其官亦**嘗** 有意於此乎開元之間豈特諫官而後言耶街立天子廷 寺止而勿復修庶幾天下之民尚可活也今天下最不可 樵當為日蝕書以為國家設諫官期換君心之非不以一 即不能復廢之臣願陛下已復之髡止而勿復加已替之 去者兵也臣尚為陛下日夜思去兵之術究開元太平事 與李謀議行方書

少耶今年三月上嘗欲營治國門執事尚諫罷之令記營 爲修明及林甫舞智以固權張許以難上於是束羣僚之 廷者皆得道上是非不顧時忌别執事官日諫議哉執事 復開禄山之逆秘而勿復知天寶之政由此而荒矣今者 廢寺以後奉光三年之間斧斤之聲不絕度其經費豈特 \* Jack Janes . I'm Lan 國門之廣乎稽其所務豈特國門之急乎何執事在國 卒不能言避其官而逃其狼可也他官秩優而位崇者豈 口縛諫官之舌且以法中敢言者由是林甫之惡熾而勿 無林甫遏諫之權上有開元虚己之勞如此則飲立朝 孫性

多定全唐文 卷七百九十四 文章如面史才最難到司馬子長之地干載獨聞得揚子 重困之将何以致民之蕃富乎樵不知時態竊所慣勇故 則知諫在復廢寺則緘黙勇其細而怯其大豈諫議大夫 雲唐朝以文索士二百年間作者數十輩獨高韓吏部出 聞輒以寓獻執事倘以樵書不爲在試入爲上言其畧 作奏書一通以明羣髡大蠹之由生民重因之源無路上 活疲虻今天下之民喘未及息國家復欲與既除之髡以 耶樵以為大蠹生民者不過羣髡武皇帝發憤除之冀 與高錫望書

钦定全喜文 卷日百七十四 事及出沒得失皆字字典要何當以但言汨其間哉今世 者異耶古史有直事但言者有文飾者乃特紀前人 筆下足下齒髮未及壯其所得如此則不知子長子雲當 語以為實錄非謂但言奇健能為史筆精魄故其立言序 足下年齒時文章果何如也然足下所傳史法與樵所聞 足下能數十字軸盡情狀及意窮事際反若有千百言在 乎足下乃小史尚宜世嗣史法矧足下才力雄獨意語横 部修順宗實錄尚不能當孟堅其能與子長子雲相上 闊當序義復岡及樂武事其說要害在樵宜!二百言者 孫樵 時

君不得視史今朝廷以宰相監修大丈夫當一時寵遇皆 司馬遷序周繆班孟堅傳蔡義尚可用耶為史官者明不 文張字故大惡大善雖賤必紀尸位沒職雖貴必熙至如 官山川地理禮樂衣服亦宜直書一時制度使後人知其 吏部以此欺後學耶韓吏部亦未知史法耶又史家紀職 俚言文章謂得史法因牽韓吏部曰如此如此樵不知韓 ないというこうコープーレ 刑辟幽不愧神怪若梗避於其間其書可燒也古者國 絕又史家條序人物宜存警訓不當徒以官大龍濃講 如此某時如彼不當以禿屑淺俗別取前代名品以就

枯梗文過乎質管序廬江何易于首末千言貴文則喪質 各任憎愛手出白黑熟能專門立言乎樵未知唐史誠何 如也樵雖承史法於師又嘗熟司馬遷揚子雲書然才韻 欲齊政房杜躋俗太平孰能受惡於不隱乎古者七十子 大梁居東諸侯兵最為雄軍候乘權肆豪奴視州縣官州 近質則太禿刮垢磨痕卒不能到史獨謂足下才力天出 最與史近故以樵所受於師者致足下 不與筆削令朝廷以史館叢文士儒家擅一時胸臆皆欲 ことところころことのころ 寫汴觀察判官書 孫樵

今汴軍所侵州縣者反愈東西軍士大夫叢居未嘗不病 東西軍侵州縣事及自提兵符則不知有以規畫之朔一 奪然亦不過籍占編氓異蔽墾田其辭微曲直尚歸京兆 畏軍候至不知有觀察使別州縣官耶國家設州縣官以 治平民豈以屬之軍乎今京北二十四縣半爲東西軍所 絕平民朝訊受辭往往獄至數百不以時省以故平民益 軍人所緊辱州縣官格手失職不敢與抗由是軍候得侵 認官為治必為軍候所傾折大者至奪觀察使小者至為 縣官即慄縮自下美言立聞觀察使往往得上下考即欲 **敏定全唐文──卷七百九十四** 

於世者襄陽南渡之民皆能道之今居汁有日而曾無所 奪左右軍候權且使繫獄者不得治于軍門凡當隸州縣 聞豈屑屑未暇耶執事宜亟以前之所陳辨之虚公稍稍 主數足下曩者樵耳足下聲慎足下售於時何晚及目足 日判官察州縣事正執事職幸無忽 者悉索歸之使軍自軍州縣自州縣無相奪也令執事官 子之貴耶執事三從事盧公其所以佐盧公使炳炳不磨 次に上上に大きに与し十日 下五通五十篇則足下因於上亦宜矣物之精華天地所 與買希逸書 孫樵 三

買於時的樂邀富猶欲疾其驅而方其輪若日爵禄不動 乎今足下立言必奇摭意必深抉精剔華期到聖人以此 史記禍班固以西漢禍楊雄以法言太元窮元結以浯溪 也文章亦然所取者廉其得必多所取者深其身必窮六 珠必領驪龍扶而不知已積而不知止不窮則禍天地雙 金、ケノコスランディーフーロ 蝕詩窮杜甫李白王江寧皆相望於窮者也天地其無意 褐窮陳拾遺以感遇窮王勃以宣尼廟碑窮玉川子以月 經作孔子削述不粒矣孟子述子思坎軻齊魯矣馬遷以 秘惜故蒙金以沙錮玉以璞珊瑚之叢必藏重溟夜光之

太原君足下雷賦逾六千言推之大易參之元象其旨甚 泣樵捧足下文能不濡睫懼足下自得也淺且疑其道不 誠謂足下怪於文方舉降旗將大誇朋從問且疑子雲復 微其解甚奇如觀駭濤于重溟徒知褫魄的目莫得畔岸 知也嗚呼孤進患心不苦及其苦知者何人古人抱玉而 たころましているこうしつ 固因歸五通不得無言 於心窮達與時上下成一家書自期不朽則非樵之所敢 生無何足下繼以翼旨及雜題十七篇則與雷賦相濶數 與王霖秀才書 孫樵

壁 記莫不拔地倚天句句欲活讀之如赤手捕長蛇不施 多分月月了一着七百八十四 人之所不道到人之所不到趨怪走奇中病歸正以之明 抑 皮是何等物日月五星是何等象儲思必深搞詞必高 意亦宜上下鉄兩不當如此懸隔不知足下以此見當耶 百里足下未到其意則非然所敢與知旣入其域設不如 徇人反深鸞鳳之音必傾聽雷霆之聲必駭心龍章虎 則顯而微以之揚名則久而傳前輩作者正如是警玉 子月蝕詩楊司城華山賦韓吏部進學解馮常侍清河 以背時展界且欲鋪粕毀繭以苟其合耶何自待則淺 道

控騎生馬急不得暇莫可捉搦又似遠人入太與城茫然 時今足下有意於此而自疑尚多其可無言乎無再拜 自失記比十家縣足未及東郭目已極西郭那樵當得為 當與足下評古今文章似好惡不相潤者然不有所竟顧 之於韓吏部退之然樵未始與人言及文章且懼得罪於 文真訣於來無擇來無擇得之於皇前持正皇前持正得 後為工好然如日月之經天也炳然如虎豹之異犬羊也 **樵何所得哉古今所謂文者辭必高然後爲奇意必深然** A Cont of the contract of the 與友人論文書 孫推

後士飄然南遷由是達官皆闔關鄰舌不敢上下後進宜 豈二子所工不及今之人乎此樵所以感也當元和長慶 以磨定文章故天下之文薰然歸正泊李御史甘以樂進 言至有破句讀以爲工摘但句以爲奇秦漢已降古人所 之間達官以文馳名者接武於朝皆開設戸牖主張後進 是故以之明道則顯而微以之揚名則久而傳今天下以 稱工而奇者其如楊馬然吾觀其書乃與今之作者異耳 得故其習於易者則斥艱澀之辭攻於難者則鄙平淡之 多安全是文卷七百九十四 文進取者歲叢試於有司不下八百輩人人於執自大所 世

登上第從軍郊國恭歷華資久居蘭省廣明元年狂寇犯 得之真訣提筆入貢士列于時以文學見稱大中九年切 來公無擇來公無擇得之皇甫公持正皇甫持正得之韓 力雄健意語毀耀至於發論尚往往為時俗所拘豈所謂 其爲文者得以盛任其意無所取質此誠可悲也足一 先生退之其於聞者如前所述豈樵所能隨說乎 以黄金注者昏邪願頑撲無所知曉然當得為文之道于 樵家本關東代襲簪纓藏書五千卷常以探討幼而工文 アニングラーニーション・アニューリーラ 自序 孫樵

道齊之東偏泛鉅海不知其幾千里其島夷之大者日新 金万全唐文一老七百八十四 也朝散大夫尚書職方郎中上柱國賜緋魚袋孫樵 所著文及碑碣書機傳記銘誌得二百餘篇叢其可觀者 李潼有曾閔之行職方郎中孫樵有楊馬之文前進士司 圖有樂由之風可載青史以彰有唐中與之盛樵遂檢 十五篇編成十卷藏諸篋笥以貽子孫是歲中和四年 攸與品藻朝倫姓其才行記曰行在三絕右散騎常侍 傷避岐魔部赴行在遷職方郎中朝廷以省方蜀國文 序西南夷

偕鳴者載籍之傳蔑然前聞夫其生窮海之中託潭野之 諸夏肖矣其新羅大姓至有觀藝上國科舉射策與國子 素風也唐宅有天下二國之民率以儒教為先彬彬然 日南的是皆鳥獸之民鸡舌言語難辨皮服獲悍難化其 12 形之效社者二國之為其瑞與夫瑞之出不孤將必有類 被雖草木頑石飛走異彙成知懷德于是乎有殊能能 而知禮節號左袵而同衣服非皇風遠治耶嘗聞化 由蜀而南逾昆明涉不毛馳七八千里其羣蠻之雄 徒知便弓馬校戰獵而已烏識所謂文儒者哉今扶獸 Ţ 孫棋

者則度索之隅不懷之倫其向風仰流歸吾化哉世之言 子齊咨暗鳴帆以窮盡今年稍始克偕計吏黾勉上道人 過其於人也亦然顏川陳君學積乎勤藝高乎專喪家途 歉志用不通鬱然而居者有年矣累為連帥賓禮貢之天 得遂作必聽忽源泉混混然隄防陂畜波扶壅缺亦不可 夫物不得以時而發其發必熾風行溪谷飅飅習習即 唐瑞者徒日肉角格六穗稼天酒汝庭苑巢神禽樵則日 二國文學也 序陳生舉進士

**憤湮勢一旦決發岩風波之得宣洩吁可當耶名光耀乎** 欽定全唐文 卷七百九十四 命中於行不能無述 其勉之樵弱弓蓬矢難以妄彀徒善君之引滿強勁指期 已以售道不肯枉尺以斬尋直況突梯滑稽以尚得與君 折而西十里渡渭又十里至郿郿多美田不為中貴人所 **弁則籍東西軍居民百一緊縣自郿南平行二十五里至** 天庭聲飛馳乎海浦其在此行矣然君子學道以循祿端 入扶風東皐門十舉步折而南平行二十里下念濟坂下 與元新路記 孫樵 走

馬始食等自松嶺平行又三里逾二橋登八里阪甚峻下 阪行十里平如九衛又高低行五里至連雲驛自連雲驛 北去河中多白石磊磊如斛又十里至松嶺驛逆旅三戶 路合由大路十里橋無定河河東南來獨西山下縣號怒 直絕澗並山復絕澗地行磧上十里合於大路下黃蜂嶺 南登黃蜂嶺平行不能百步又登集準嶺盤折而上甚峻 臨溪驛驛抱谷口夾道居民皆籍東西軍出臨溪驛百步 復有支路並澗出渠渠嶺下行亂石中五六里與澗西支 而下渠渠橫嶺稍平二嶺之間凡行十里自臨溪有支路

能 於薪者曰此泥榆也豈此衛常泥而樹有此名乎凡泥行 爲 泥深減踝路旁樹往往如挂塵纓爨繩而長從風紛然訊 西平行二十里上五里嶺路極盤折凡行六七里及嶺 人ととこれにいるこうしてす 田當用息馬多至萬蹄今為飛龍租入地耳入關行上 細可耕稼有居民似樊川間景氣又五里至平川驛自 里稍稍下去又平行十里則山谷四拓原隰平曠水淺 河池自黄蜂嶺泊河池關中間百餘里皆故汾陽王私 川西並澗高下行十里復度嶺上下嶺凡五里復平不 里復高低有閣路行七八里扼路為關北爲臨洮關 孫樵

甚和自仙冷南行十三里路左有崖壁然而高出其下殷 旁谷中有桑柘民多叢居雞犬相聞水盆清山盆奇氣候 其有聲如風怒薄冰里人謂之鳴崖豈石常鳴耶抑俟人 而鳴耶又行十五里至二十四孔閣閣上嚴甚奇有石刻 道卒高下多碎石自芝田至仙岑雖閣路皆平行往往澗 雲驛西並澗皆閣道行十里嚴上有石刻橫為一行日鄭 皆関路並澗閣絕有大橋蛇蛇如虹絕澗西南去橋盡路 金岁白屋文、光十百九十四 淮造八三字不知何等人也又一十三里至芝田驛皆閣 如九獨夾道植樹步步一株凡行六七里至白雲驛自白

蒲池石佐張梓等百二十人匠張羌教褒中石佐泉疆等 其刻云褒中與閣主簿王禺漢中郡道閣縣椽馬甫漢中 至青松即平田五六百畝谷中號為夷地居民九多自青 烟 晉由此路耳又行十五里至青松驛自仙岑而南路旁人 郡北部都郵迴通都匠中郎将王胡典知二縣匠衛績教 大臣自由と一人ないヨレトラ 松西行一二里夾路多松竹稍稍深入不復有平田行五 則日太康元年正月二十九日按其刻乃晉武平吳時蓋 百四十人閣道教習常民學川石等三人八七十字其側 相望澗旁地益平曠往往墾田至一二百畝桑柘愈多 孫樵

里至雙溪驛自雙溪南平行四里至天苞嶺羊陽而上 もうとうとうとう 並澗行二十里即背絕小嶺上下凡五六里稍平又行上 長松嶺極峻羊陽而上十里及領上復羊腸而下十五里 山輝驛居民甚少行旅無庇自山輝西高低行二十里上 六里上小雪嶺極峻折嶺東多泥土疎而黑嶺西九峻十 至黃崖崖南極峻折上下黃崖六七里至盤雲驛西行復 平樂坂極峻盤折上下八十五里至福溪又高下行十里 里百折上下嶺八十八里四望多叢竹又高低行十里至 及鎖下又高下行十里至迴雪驛自迴雪驛南行三里上

大き日本と大三年して 嶺九峻絕凡三十里至文川驛自文川南行三十五里至 道路有唧唧之戴豈滎陽公始望耶况謀肇乎賈昭事倡 新亦未易耶榮陽公爲漢中以褒斜舊路修阻上疏開文 靈泉驛自靈泉平行十五里至長柳店夾道居民又行十 十五里極峻折往往閣路至橫上南望與元烟靄中也 孫樵曰古人尚謀新仍曰何必改作利不十法不變豈謀 五里至與元西平行三十里至褒城縣與斜谷舊路合矣 川道以易之觀其上勞及將下勞及卒其勤至矣其始立 心誠無異於古人將濟民於艱難也然朝廷有竊竊之議 孫樵 Ē

者難耶 命武吏發卒三千跡其前謀役與三月功不可就有謁 乎李依役卒督工者不增品秩於天子則加班列于滎陽 里復涯而東即陡墟舊江使水道與地相遠以薄江怒遂 湯墟歲殺州民以爲官憂滎陽公始至則思所以洗民患 頫 治療於數迫城如蟠淫潦漲秋在瀾陸高突隄嚙涯包城 公榮陽公無毫利以自與而怨各獨歸豈古所謂為民上 聞前觀察使欲鑿江東壩地別為新江使東北注流五 梓潼移江記

對日飢卒賴厚直民情其田以與得不可樂陽公曰吾欲 言新江可度日而決也樂陽公日諾明日樂陽公視政加 觀察使欲鑿新江中報議而罷豈病此耶公即能先提民 戮其将以動其卒可乎對日代之將者必苦吾卒卒苦叛 樂陽公曰公開新江將扶民憂然江勢不可決記言不可 與役以來彼其民曰夏王鞭促萬靈以導百川合果能改 絕公將何以終之衆陽公曰吾欲厚其直以勸其卒可乎 夏王跡耶非徒無功抑有後吳羣疑牽綿民心荡搖前時 不可樂陽公日奈何對日夫民可與樂終難與圖始故自 孫惟

白部奪俸錢一月之半樵嘗為張城驛記恨所在長史不 敢横議者死民以榮陽公當為京兆旣憚其猛及是民心 遂墟八得田五百畝其年七月水果大至雖踰防稽陸不 多安全唐文/《老七百九十四 五百澗十分其長之二深十分其澗之一盤堤既隆舊江 罷卒已而數曰民言不提新江其不決耶新江長步一千 大慄羣舌如斬未幾而新江告成榮陽公數出臨視班賞 政者途下令日開新江非我家事將脫數民於魚腹耳民 猛決獄加斷又明日杖殺左右有所貳事鞭官吏有所阻 病民其續宜何如哉滎陽公旣以上聞有司劾其不先

蜿蜒舉武三十北出其顛氣象鮮妍孕成陰烟花石變變 肯出毫力以利民及觀滎陽公以開新江受譴豈立事者 故平孤若戸庭據乳側脉膏停湿石俯對絕壑抄臨蘭薄 虎怒企者猿踞横者木仆挺者碑植又有似乎飛簷連軒 梓潼南鄙越五百里其中有山崛起中天即山之趾得逕 操爐交攢被撐兀柱懸棟危礎殊狀詭類愕不得視下有 別為東巖槎牙重複爭先角逐若絕若裂若缺若穴突者 亦未易耶是歲開成五年也 龍多山記 系焦

青紫碧聯莽蒼際雲香香不分月上於天日薄於泉魄朗 輪昏出入目前其或宿霧朝雲糊空縛山漠漠漫漫莫知 其端陽曜始浴徹天昏紅輪高而亦洪流散射濃透薄釋 嘉木美竹岡巒交植風來怒黑雷動崖谷品獸山禽捷翔 欽定全唐文 卷七百九十四 呀驚曉吟與啼聽之悽悽迴環下鸚萬類在目因山帶川 遼原千載寂寞澄泉傅靈別壑鏡明風間景清寂寥無聲 其中斷齶相望攀緣下上闊然而出曜見白日始時永嘉 仙臺標異業石負起此與山別猿鳥蹟絕腹實而空路由 飛真蓋羅元蹤斯存石刻傳聞丹成而仙駕鶴騰天一去

降信宿聞見習熟始日山平會未始有得乎無處夸世釣 魏丙局袂稷契仰止丹青永保凝烈 皎月劍淬愈利玉燒不熱錦浦宸遊傅嚴寢說取物惟誠 錦裂綺拆千狀萬態倏然收霽樵起來而遊泊車而休登 大三七事と一人といって十四 在公抗節再安宗祏蕩掃氛孽黃道回日翠華歸闕批 咫尺天威首出時傑英眄橫溢神鋒秀發秋空健骨霜夜 名者污此嚴局乎且欲聞于顧陽之徒乎 蕭相國真讚 又貞公笏銘 弁序 孫樵 彭

潼戸呀東翼廉敞南有元甲數十札馬委於前楹遊塵 公笏 緊拱在列諍舌不發膠禁願餗下偷上愎非公之節熟爲 臆起梗開直噫諫舌切切上磨帝缺不逆不怫笏則公笞 日靈多薦角比干獻骨合以憤烈在公爲笏怒虎可唾笏 大中六年詔出文貞公笏歸其孫丞相養孫樵請銘其笏 金ケノニオンラオニファエ 風級斷革利樵過而消之且曰此國之間也是小欲過冠 不可挫太華可裂笏不可折柱天不仄指日不蝕標儀條 潼關甲銘

堅荷銀投死地之不暇又安得與客合編而東合編而西 哉今上君臨萬國號令所加風清日明理為大和如此則 關中之兵其屯如雲孽胡西來叱而闢之守甲其不完耶 抑天下心而割天子憂哉關吏笑而進曰借如潼之甲可 關之禁何為而申嚴關之甲何為而繕堅元宗四十二年 古之善守天下者展禮以防之闡樂以和之明刑以齊之 以燭日潼之旗可以絡天戰較畫驚警你夜鳴吾曹將擺 偷大欲扼諸侯今者關禁弛而不譏守甲存而不完將 修政以固之則其守在四海之外何以關爲而况完其甲 たらしいはない 孫樵 5

多方白屋ろんえれてナーロ 平是天下愈安而其禁愈弛天下愈平而其甲愈散耳樵 吾孰與濟甲乎甲乎理與爾謀亂與爾謀無俾工爾修 将去之且銘其甲云潼關之甲完吾孰與安潼關之甲依